



A e prish abdesin prekja e organit gjenital me dorë?

الحمد لله و صلى الله و سلم على نبينا محمد .أما بعد

Ka mospajtim te dijetarët.

Një pjesë e dijetarëve thonë: “E prish abdesin, si me epsh si pa epsh.”

Dhe bazohen ne hadithin e saktë:

((Kush e prek organin e tij, të marre abdes))

[Transmeton Taberani etj. Në gjykimin e shejh Albanit është Sahih]

Një pjesë tjetër e dijetarëve thonë: “Nuk e prish abdesin, si me epsh dhe si pa epsh.”

Dhe bazohen në hadithin e saktë, ku tregohet se Profetin e pyeti një sahabi se a priset abdesi, kur e prek organin në namaz?

Profeti sal-llahu alejhi ue sel-lem iu përgjigj:

((Ai është pjesë prej teje))

(dmth: si pjesët e tjera të trupit të cilat kur i prek nuk t’a prishin abdesin)

[Nesaiu etj. Në gjykimin e shejh Albanit është Sahih]

Një pjesë e dijetarëve thonë: “Nëse e prek organin me epsh priset abdesi. Nëse e prek pa epsh nuk priset.”

Ky është mendimi i shejh Albanit, Ibn Uttejminit etj.

Ky është mendimi më i saktë, dhe kjo duke bashkuar dhe vepruar me të dy hadithet.

Veprimi me të gjitha hadithet kur është i mundshëm bashkimi është më parësor sesa lënia e njërit dhe veprimi me tjetrin.

All-llahu e di më së miri

Ai është më i Dijshmi

و الحمد لله رب العالمين

و صلى الله على نبينا محمد وعلى آله و صحبه و سلم